



ДОМ НАРОДА
ПРЕДСТАВНИЧКИ ДОМ

Привремена заједничка комисија оба дома
Парламентарне скупштине Босне и Херцеговине
за провођење процедуре
за избор три члана Управног одбора
Агенције за развој високог образовања и
обезбеђивање квалитета

DOM NARODA
PREDSTAVNIČKI DOM/ZASTUPNIČKI DOM

Privremena zajednička komisija oba doma
Parlamentarne skupštine Bosne i Hercegovine
za provođenje procedure
za izbor tri člana Upravnog odbora
Agencije za razvoj visokog obrazovanja
i osiguravanje kvaliteta
Privremeno zajedničko povjerenstvo oba doma
Parlamentarne skupštine Bosne i Hercegovine
za provođenje procedure
za izbor tri člana Upravnog odbora
Agencije za razvoj visokog obrazovanja
i osiguravanje kvalitete

Broj: 01,02-50-14-686-12,1/16
Sarajevo, 5.4.2016.

**- PREDSTAVNIČKOM DOMU
- DOMU NARODA
PARLAMENTARNE SKUPŠTINE BiH**

Na osnovu člana 31. Poslovnika Predstavničkog doma Parlamentarne skupštine BiH („Službeni glasnik BiH“, br. 33/06, 41/06, 81/06, 91/06 i 91/07), člana 35. Poslovnika Doma naroda Parlamentarne skupštine BiH („Službeni glasnik BiH“, br. 33/06, 41/06, 91/06 i 91/07) i člana 51. Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), Privremena zajednička komisija oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguranje kvaliteta na 12. sjednici, održanoj 5. 4. 2016. godine, usvojila je te Predstavničkom domu i Domu naroda Parlamentarne skupštine BiH podnosi sljedeći

IZVJEŠTAJ

**o utvrđivanju prijedloga rang-liste kandidata za izbor tri člana Upravnog odbora
Agencije za razvoj visokog obrazovanja i osiguranje kvaliteta**

**I. Imenovanje članova Privremene zajedničke komisije oba doma
Parlamentarne skupštine Bosne i Hercegovine za provođenje procedure za
izbor tri člana Upravnog odbora Agencije za razvoj visokog obrazovanja i
osiguranje kvaliteta**

Parlamentarna skupština BiH je na 9. sjednici Predstavničkog doma, održanoj 25. 3. 2015. godine, i na 3. sjednici Doma naroda, održanoj 30. 3. 2015. godine, imenovala članove Privremene zajedničke komisije oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguranje kvaliteta (u daljnjem tekstu: Komisija), u kojoj su:

Mensura Beganović, Nenad Lalić i Nikola Lovrinović iz Predstavničkog doma, te Ognjen Tadić, Sead Kadić i Zdenka Džambas iz Doma naroda Parlamentarne skupštine BiH.

Na 16. sjednici Predstavničkog doma PSBiH, održanoj 27. 8. 2015. godine, prilikom glasanja za izbor tri člana Upravnog odbora Agencije za razvoj visokog obrazovanja i osiguranje kvaliteta, prijedlog rang-liste nije dobio potrebnu većinu, te Dom nije imenovao tri člana Upravnog odbora Agencije za razvoj visokog obrazovanja i osiguranje kvaliteta.

Domovi Parlamentarne skupštine BiH, i to Predstavnički dom na istoj sjednici, te Dom naroda na 9. sjednici, održanoj 17. 9. 2015. godine, produžili su mandat Privremenoj zajedničkoj komisiji i zadužili je da ponovo sprovede konkursnu proceduru za izbor tri člana Upravnog odbora Agencije za razvoj visokog obrazovanja i osiguranje kvaliteta.

Na 9. sjednici, održanoj 27. 11. 2015., Privremena komisija utvrdila je da prilikom sačinjavanja prijedloga rang-liste neće moći ispoštovati princip nacionalne zastupljenosti kako je to predviđeno članom 3. stav (2) tačka (e) Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03) kao i zvanje redovnog univerzitetskog profesora za dva kandidata kako je to predviđeno članom 51. stav (11) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09) te je donijela Odluku o poništavanju javnog konkursa za provođenje procedure za izbor tri člana Upravnog odbora Agencije za razvoj visokog obrazovanja i osiguranje kvaliteta. Odluka o poništavanju javnog konkursa objavljena je u „Službenom glasniku BiH“, „Službenom glasniku Brčko Distrikta BiH“ i na veb-stranici PSBiH, a Obavještenje o poništenju javnog konkursa u dnevnim novinama: „Oslobođenje“, „Večernji list“ i „Večernje novosti“.

II. Zadaci i hronologija rada Komisije

U skladu s članom 51. Okvirnog zakona o visokom obrazovanju u BiH, te čl. 3., 5., 7., 8., 10., 11. i 12. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Sl. glasnik BiH“, broj 37/03), zadatak Komisije bio je da sačini potreban akt o svom radu, te provede daljnju proceduru izbora i predlaganja imenovanja u skladu s navedenim zakonskim propisima i aktom o svom radu.

Kako bi realizirala svoje zadatke, Komisija je održala 12 sjednica.

Konstituirajuća sjednica održana je 8. 4. 2015. Na ovoj sjednici članovi Komisije jednoglasno su za predsjedavajućeg izabrali Nenada Lalića, za prvog zamjenika predsjedavajućeg Seada Kadića, te za drugu zamjenicu Zdenku Džambas.

S ciljem javnosti rada, na veb-stranici PSBiH objavljeni su određeni akti, kao što je tekst Javnog konkursa i najave održavanja sjednica.

Postupajući u skladu sa svojim nadležnostima, Komisija je na 2. sjednici, održanoj 27.5.2015., usvojila Poslovnik o radu. Poslovnikom o radu propisan je način rada, raspisivanje i uslovi javnog konkursa, dokumenti koji se prilažu uz prijavu, rad po završetku javnog konkursa, intervju - javno saslušanje kandidata, kriteriji bodovanja, postupak bodovanja i utvrđivanje prijedloga jedinstvene liste kandidata i druga pitanja.

Na osnovu zakonskih odredbi, te odredbi čl. od 7. do 10. Poslovnika, Komisija je na 9. sjednici pripremila i donijela Odluku o ponovnom objavljivanju Javnog konkursa za provođenje procedure za izbor tri člana Upravnog odbora Agencije za razvoj visokog obrazovanja i osiguranje kvaliteta. Uslove Javnog konkursa Komisija je utvrdila na osnovu navedenih zakonskih i odredbi Poslovnika o radu Komisije.

Javni konkurs objavljen je u:

“Službenom glasniku Brčko Distrikta BiH” i “Službenom glasniku BiH”, broj 3/16, 19.1.2016., te na veb-stranici Parlamentarne skupštine BiH. Obavještenje o Javnom konkursu objavljeno je u “Oslobođenju”, “Večernjem listu” i “Večernjim novostima” 20.1.2016. godine.

Rok za podnošenje prijave na Javni konkurs bio je (zaključno) 3. februar 2016.

III. Prijavljeni kandidati, utvrđivanje ispravnosti dostavljene dokumentacije i intervju

U skladu s članom 11. Poslovnika o radu, sljedeći zadatak Komisije sastojao se u provjeri formalno-pravne valjanosti, blagovremenosti i kompletnosti prijave kandidata s dostavljenom dokumentacijom.

U ovoj fazi rada Komisija je konstatirala da se na Javni konkurs prijavilo 14 kandidata, i to:

1. SEMINA AJVAZ
2. SANJA BIJAKŠIĆ
3. FATIH DESTOVIĆ
4. LEJLA HAIRLAHOVIĆ
5. BRANKO KRSMANOVIĆ
6. FRANO LJUBIĆ
7. STEVO PAŠALIĆ
8. MARINKO PEJIĆ
9. MITAR PERUŠIĆ
10. MOMČILO POLJIĆ
11. ZORAN SELESKOVIĆ
12. ZORAN TOMIĆ
13. DŽEVAD ZEČIĆ
14. IGOR ŽIVKO

Komisija je na 10. sjednici, održanoj 15.3.2016. godine, pojedinačno i detaljno razmotrila svaku prijavu kandidata i dokumente dostavljene uz nju.

Nakon uvida u dokumentaciju svakog prijavljenog kandidata, Komisija je utvrdila da je svih 14 prijavljenih kandidata dostavilo potrebnu dokumentaciju, da je dokumentacija dostavljena u predviđenom roku, kao i da ispunjava uslove konkursa.

U skladu s članom 12. Poslovnika o radu Komisije, 14 kandidata je pozvano na intervju. O datumu, vremenu i mjestu održavanja intervjuja svi kandidati su pismeno obaviješteni.

Komisija je na 11. sjednici, održanoj 23. 3.2016. godine, obavila intervju - javno saslušanje kandidata.

Intervjuu se odazvalo svih 14 kandidata.

Komisija je, u skladu sa članom 13. Poslovnika o radu, sačinila obrazac - tabelu za ocjenjivanje svakog kandidata od prisutnih članova Komisije. Broj bodova svakog kandidata količnik je sabranih ocjena koje je dao svaki intervjuu prisutni član Komisije podijeljen s brojem intervjuu prisutnih članova Komisije.

IV. Utvrđivanje prijedloga rang-liste kandidata

U skladu sa članom 14. Poslovnika o radu Komisije, njen sljedeći zadatak bio je da, nakon sprovedene procedure, utvrdi prijedlog rang-liste kandidata s tačnim brojem Zakonom propisanih pozicija, odnosno prijedlog rang-liste s tri, prema mišljenju Komisije, najuspješnija kandidata za članove Upravnog odbora Agencije. Komisija je pri tome bila obavezna ispoštovati uslove utvrđene Zakonom - zastupljenost konstitutivnih naroda i zvanje redovnog univerzitetskog profesora za najmanje dva kandidata. Također, Komisija se obavezala da će, poštujući zakonske i odredbe Poslovnika o radu, u svom izvještaju domovima Parlamentarne skupštine BiH, nakon prijedloga rang-liste za Upravni odbor, u daljem tekstu posebno navesti imena i bodove za ostale kandidate s kojima je obavljen intervju, a koji su, prema mišljenju Komisije, bili manje uspješni u odnosu na kandidate s jedinstvene liste.

IV.1. Kako se Komisija, u skladu sa članom 14. Poslovnika o radu, obavezala predložiti domovima Parlamentarne skupštine BiH listu kandidata za imenovanje članova Upravnog odbora sa tačno propisanim brojem pozicija za imenovanje, vodeći računa i o obavezi da od tri člana Upravnog odbora po jedan član treba biti predstavnik bošnjačkog, srpskog i hrvatskog naroda.

PRIJEDLOG RANG-LISTE TRI KANDIDATA ZA IMENOVANJE ČLANOVA UPRAVNOG ODBORA AGENCIJE ZA RAZVOJ VISOKOG OBRAZOVANJA I OSIGURANJE KVALITETA

Redni broj	Kandidat	Pripadnost narodu	Broj bodova
1.	DŽEVAD ZEČIĆ	B	99,6

2.	ZORAN TOMIĆ	H	98
3.	MOMČILO POLJIĆ	S	97,5

IV.2. Nakon provedenog intervjua i bodovanja kandidata, Komisija je utvrdila sljedeću listu svih kandidata za člana Upravnog odbora Agencije:

Redni broj	Kandidat	Pripadnost narodu	Broj bodova
1.	DŽEVAD ZEČIĆ	B	99,6
2.	ZORAN TOMIĆ	H	98
3.	MOMČILO POLJIĆ	S	97,5
4.	BRANKO KRSMANOVIĆ	S	95,5
5.	SANJA BIJAKŠIĆ	H	95,1
6.	MITAR PERUŠIĆ	S	94,3
7.	FRANO LJUBIĆ	H	93,1
8.	STEVO PAŠALIĆ	S	92,8
9.	SEMINA AJVAZ	B	92,3
10.	LEJLA HAIRLAHOVIĆ	B	91,5
11.	IGOR ŽIVKO	H	91,5
12.	ZORAN SELESKOVIĆ	B	90,6
13.	FATIH DESTOVIĆ	B	90,5
14.	MARINKO PEJIĆ	H	87

V. Dostavljanje prijedloga rang-liste kandidata u parlamentarnu proceduru

Komisija je na 12. sjednic, održanoj 5.4.2016., jednoglasno usvojila prijedlog liste kandidata za Upravni odbor Agencije za razvoj visokog obrazovanja i osiguranje kvaliteta.

U skladu sa zakonskim i poslovnim odredbama, Komisija dostavlja utvrđeni prijedlog liste kandidata za Upravni odbor Agencije za razvoj visokog obrazovanja i osiguravanje kvaliteta Predstavničkom domu i Domu naroda Parlamentarne skupštine BiH na daljnji postupak.

Za izvjestioce o radu i o ovom izvještaju Komisije u domovima Parlamentarne skupštine BiH određeni su:

- iz Predstavničkog doma - Nenad Lalić, predsjedavajući Komisije,
- iz Doma naroda – Sead Kadić, prvi zamjenik predsjedavajućeg Komisije.

Predsjedavajući
Privremene zajedničke komisije
prof. dr. Nenad Lalić

Dostaviti:

- Kolegiju Predstavničkog doma
- Kolegiju Doma naroda
- a/a

Prilog: Prijedlog rang-liste tri kandidata za imenovanje članova Upravnog odbora Agencije za razvoj visokog obrazovanja i osiguranje kvaliteta

**PRIJEDLOG
RANG-LISTE TRI KANDIDATA ZA IMENOVANJE ČLANOVA
UPRAVNOG ODBORA AGENCIJE ZA RAZVOJ VISOKOG OBRAZOVANJA I
OSIGURANJE KVALITETA**

Redni broj	Kandidat	Pripadnost narodu	Broj bodova
1.	DŽEVAD ZEČIĆ	B	99,6
2.	ZORAN TOMIĆ	H	98
3.	MOMČILO PLJIĆ	S	97,5

Predsjedavajući
Privremene zajedničke komisije
prof. dr. Nenad Lalić